

**PEMBERITAHUAN PERTANYAAN DEWAN RAKYAT**

**PERTANYAAN : BUKAN LISAN**

**DARIPADA : YB DATO' HAJI ABDUL RAHMAN BIN HAJI MOHAMAD [ LIPIS ]**

**SOALAN :**

**YB Dato' Haji Abdul Rahman bin Haji Mohamad [ Lipis ]** minta **PERDANA MENTERI** menyatakan sama ada Kerajaan berhasrat untuk mempertimbangkan kenaikan gaji penjawat awam memandangkan masih ada penjawat awam yang mendapat RM850 sebulan yang tidak selaras dengan pelaksanaan gaji minimum.

**JAWAPAN: YB DATO' SERI DR. SHAHIDAN BIN KASSIM**  
**MENTERI DI JABATAN PERDANA MENTERI**

Tuan Yang di-Pertua,

Kerajaan dari semasa ke semasa sentiasa menjalankan kajian dan semakan terhadap gaji penjawat awam secara keseluruhannya yang turut meliputi gaji penjawat awam di peringkat terendah (Gred 11). Namun begitu, pelaksanaan hasil kajian adalah tertakluk kepada kemampuan kewangan Kerajaan.

Pada masa ini, jumlah pendapatan minimum bagi gred terendah dalam Perkhidmatan Awam iaitu pegawai di Gred 11 dengan kelayakan masuk PMR adalah sebanyak **RM1,257.00**. Pendapatan ini meliputi:

- (a) Gaji Pokok sebanyak RM832; dan
- (b) Elaun-elaun lain iaitu Imbuhan Tetap Perumahan, Imbuhan Tetap Khidmat Awam dan Bantuan Sara Hidup sebanyak RM425.

Jumlah pendapatan minimum ini adalah **lebih tinggi** berbanding purata pendapatan garis kemiskinan tahun 2012.

Sekian. Terima kasih.